

Lingua ulannisa

Dâ Wikipedia, la nciclupidia libbira.

La **lingua ulannisa** (nomu nativu: *het nederlands*) è la lingua chi si parra nta l'Ulanda (nzèmmula câ lingua frisuni) e parti dû Belgiu, spiciarmenti ntô nord (unni veni canusciutu comu lu **fiammingu** o *vlaams*). Cci sunnu armenu 25 miliuna di parranti. S'attròvanu autri cumunitati nichi pi l'autri parti dû munnu chi pàrranu l'ulannisi, p'asempiu, ntê Stati Uniti, ntô Surinami e in Australia.

Lu nomu «ulannisi» è tanticchia mpricisu nta nu senza linguìsticu strittu, picchè ntâ lingua urigginali, la palora *Hollands* riferisci ô dialettu, spicificamenti: *Nord Hollands* e *Zuid Hollands*, o l'ulannisi sittintriunali e l'ulannisi miridiunali. 'N ogni casu, la lingua ufficiali si basa supra lu dialettu dû nord, unni s'attrova citati mpurtanti comu Amsterdam.

È na lingua girmànica chi pi tanti rispetti s'assumigghia la lingua tudisca e la lingua nglisi. Nfatti, doppu la lingua frisuni, l'ulannisi è la lingua ca s'abbicina di cchiù ô nglisi. Nutati st'asempì:

- Ulannisi - Nglisi - Sicilianu:
- *Ik wil een appel eten* - *I want to eat an apple* - Vogghiu manciari nu pumu.
- *Hij zal morgen thuis komen* - *He shall come home tomorrow* - Iddu veni â casa dumani.
- *Zij kan niet slapen* - *She cannot sleep* - Idda nun pò durmiri.
- *Mijn hand is aan het einde van mijn arm* - *My hand is at the end of my arm* - La mè manu s'attrova â fini dû mè vrazzu.

L'Afrikaans è na lingua chi si parra nta l'Africa dû Sud chi si sviluppau di l'ulannisi ntô sèculu XVII.

Ìndici

Pronomi e li verbi ausiliari

Verbu èssiri, tempu prisenti

Verbu aviri, tempu prisenti

Lijami di fora

Nederlands (Ulannisi)	
Parratu 'n:	Antilli Ulannisi, Belgiu (Fiandri), Paisi Vasci, Surinami, Francia (minuranza nazzionali ntê Fiandri francisi), Girmania (Bassa Renania), Stati Uniti, Australia, Canada e Nova Zilanna
Pirsuni:	circa 23 miliuna
Classifica:	-
Famigghi linguìstichi:	Lingui indoeuropei <div>Girmànichi</div> <div>Occidintali</div> <div><i>Ulannisi</i></div>
Lingua ufficiali	
Paisi:	Antilli Ulannisi, Belgiu (Fiandri), Paisi Vasci, Surinami, <u>Unioni Europea</u>
Rigulata di:	<i>Nederlandse Taalunie</i> (Unioni dâ Lingua Ulannisa)
Classificazzioni	
ISO 639-1	nl
ISO 639-2	(B)dut, (T)nld
ISO 639-3	nld
SIL	DUT

Pronomi e li verbi ausiliari

Verbu èssiri, tempu prisenti

Zijn [sein] (la «z» 'n ulannisi rapprisa la /s/ sunanti)

Ik **ben** - Ju sugnu

jij **bent** [jei] - tu sì (la prunza dâ «j» si senti pricisamenti comu veni prunzata ntô sicilianu)

hij, zij, het **is** [hei, sei, ət] - iddu/idda è (*het* rapprisa lu pronomu nètru)

wij **zijn** [vei sein] - nuiàtri semu

jullie **zijn** [julli sein] - vuàutri siti

zij **zijn** [sei sein] - iddi sunnu

Verbu aviri, tempu prisenti

Hebben [hebbən]

Ik **heb** [hep] - Ju haju

jij **hebt** [hept] - tu hai

hij **heeft** [heft] - iddu havi

wij **hebben** - nuiàtri avemu

jullie **hebben** - vuàutri aviti

zij **hebben** - iddi hannu

Lijami di fora

- <http://taalunieversum.org/taalunie/> istituzioni di lingua ulannisi]]
- <http://www.davidebianchi.net/nederlands/index.html>) Lizzioni d'ulannisi

Estrattu di "https://scn.wikipedia.org/w/index.php?title=Lingua_ulannisa&oldid=704866"

Sta pàggina fu canciata a 16:42 di lu 9 maiu 2015.

Stu testu è dispunìbbili sutta â [Licenza Creative Commons Attribuzzioni/Spartuta dâ stissa manera](#); si ponnu applicari àutri cunnizzioni. Talìa li [Cunnizzioni d'Usu](#) pi li dittagghî.